



«Mottakernavn»

«Adresse»

«Postnr» «Poststed»

«Kontakt»

Kontakt saksbehandlar

Tiril Marie Jansen, 51568706

Orientering om fordeling av skjønnsramma for 2023

Kommunane i Rogaland er for 2023 tildelt ei skjønnsramme på 53,5 mill. kroner. I dette brevet legg vi fram fordeling av 38,5 mill. kroner i ordinært skjønnsstilskot til kommunane i Rogaland for 2023, slik det kjem fram av Grønt hefte tabell 1-k. Resten av skjønnsramma er sett av til seinare fordeling.

Overordna rammer for fordelinga

Kommunal- og distriktsdepartementet (KDD) fordeler kvart år ein del av rammetilskotet til kommunar etter skjønn. Skjønnsstilskotet skal kompensera kommunar for lokale forhold som ikkje blir fanga opp i den faste delen av inntektssystemet, og bidra til fornying og utvikling i kommunesektoren.

I Stortinget si behandling av kommuneproposisjonen for 2023 fekk KDD fullmakt til å fordela 1 332 mill. kroner i skjønnsstilskot. Basisramma for kommunane er satt til 800 mill. kroner, og 53,5 mill. kroner blei fordelt til Rogaland. Hovudfordelinga av skjønnsstilskot skjer i samband med statsbudsjettet.

KDD gir føringar for fordeling, bruk og rapportering av skjønnsstilskot. Statsforvaltaren skal gjera ei heilskapleg og konkret vurdering av kommunen sitt behov for skjønnsmidlar, og tildela skjønnsstilskot på grunnlag av kommunen sin overordna økonomiske situasjon. Fordelinga av skjønnsstilskotet skal vere basert på dialog med kommunane. Innspel frå kommunane er viktig for å oppnå ei så god tildeling som råd. Skjønnsstilskot for 2023 har derfor berre blitt vurdert tildelt til dei kommunane som har sendt inn søknader innan fristen.

Om tildelinga

Vi har fått søknader frå 19 av 23 kommunar. Søknadane har utgjort ein viktig del av vår vurdering for tildeling av skjønnsmidlar, saman med Statsforvaltaren sine samla kunnskapar om kommunane, og analyser basert på tal frå KOSTRA, KS og andre innrapporterte tal. Dei ulike fagavdelingane hos Statsforvaltaren har bidratt med sine vurderingar.

Statsforvaltaren har fordelt 38,5 mill. kroner i ordinære skjønnsmidlar til 19 av kommunane i Rogaland. Bak tildelinga til kvar kommune ligg ei vurdering av den overordna økonomiske



situasjonen og reelle behov. Dessutan kunnskapar om på kva område dei opplever større utfordringar som ikkje blir kompensert tilstrekkeleg gjennom inntektssystemet.

I vurderingane som ligg til grunn for fordelinga, har vi gjennom fleire år lagt vekt på særleg høge utgifter til ressurskrevjande brukarar, store utfordringar på rus-/psykiatriområdet, behov for legevaktbåt og kostnader grunna språkdeling.

Fordeling per kommune

Kommunenr	Kommunenamn	Skjønn i heile kroner
1101	Eigersund	2 500 000
1103	Stavanger	2 800 000
1106	Haugesund	4 100 000
1108	Sandnes	1 200 000
1111	Sokndal	1 500 000
1112	Lund	1 500 000
1114	Bjerkreim	-
1119	Hå	-
1120	Klepp	2 400 000
1121	Time	2 000 000
1122	Gjesdal	3 000 000
1124	Sola	1 400 000
1127	Randaberg	4 000 000
1130	Strand	4 000 000
1133	Hjelmeland	1 500 000
1134	Suldal	-
1135	Sauda	700 000
1144	Kvitsøy	800 000
1145	Bokn	1 000 000
1146	Tysvær	1 400 000
1149	Karmøy	1 900 000
1151	Utsira	-
1160	Vindafjord	800 000
Sum		38 500 000

Ressurskrevjande brukarar

Fleire kommunar peikar på høge kostnader til ressurskrevjande brukarar som ei økonomisk utfordring. Dei nemner både høge eigendeler etter tilskot frå toppfinansieringsordninga, spesielt for kommunar med eit høgt tal brukarar, og brukarar over 67 år som fell ut av ordninga. Sidan ressurskrevjande tenester er ei økonomisk utfordring mange kommunar nemner i sine innspel, og ingen kommunar i Rogaland har fått tilleggskompensasjon for ressurskrevjande tenester, har Statsforvaltaren valt å framleis ta desse kostnadene i betraktning ved deling av skjønstilskot. Vi har då spesielt vurdert tildeling til dei kommunane som har høgast eigendeler (gjennom toppfinansieringsordninga) per innbyggjar.

Språkdeling

Ekstraklasser som følgje av reglane for språkdeling er ikkje eit moment som blir tatt omsyn til i inntektssystemet. Vi har valt å fordela midlar til alle kommunar som har meldt frå om slike ekstraklasser, då det er ein ufrivillig kostnad for kommunen. For kommunar med moderat



økonomisk handlingsrom har vi fordelt med utgangspunkt i eit litt høgare beløp per ekstraklasse enn for kommunane med større økonomisk handlingsrom. Dette gjeld i år berre ein kommune. Enkelte kommunar melder om at dei har store ekstra kostnader knytt til desse klassane, og at det er uheldig at prosessen med delvis kompensasjon gjennom skjønnstilskot er så lite føreseieleg. Skjønnstilskotet Statsforvaltaren fordeler med grunnlag i ekstraklasser ligg på mellom 140 000 og 170 000 kroner per ekstraklasse, og dekk såleis berre ein mindre del av kommunane sine kostnader knytt til språkdeling.

Bakgrunn for tildelinga

Eigersund kommune får tilskot som følgje av ein eldre avtale om kompensasjon for den interkommunale verksemda Uninor, der kommunen ikkje sender refusjonskrav til dei andre Dalane kommunane. Ein heilskapleg vurdering av situasjonen for kommunen og andre utfordringar ligg òg bak tildelinga.

Stavanger kommune får tilskot som følgje av kostnader til legevaktsbåten i Ryfylke, ei ordning som er i samarbeid med Hjelmeland og Kvitsøy.

Haugesund kommune har betydeleg større utfordringar enn snittet i fylket knytt til rus og psykiatri, og får tilskot på dette grunnlaget. I tillegg ligg kommunen høgt på eigendeler per innbyggjar til ressurskrevjande tenester.

Sandnes kommune får tilskot som følgje av 6 ekstra klasser grunna språkdeling, og utfordringar knytt til rus og psykiatri.

Sokndal kommune får tilskot som følgje av arbeid med flomtunnel og ekstra kostnader knytt til planlegging av ny demning, i tillegg til andre krevjande forhold.

Lund kommune får tilskot på grunn av særlege utfordringar knytt til barnevernet, i tillegg til andre krevjande forhold.

Klepp kommune får tilskot på grunn av 17 ekstraklasser som følgje av språkdeling.

Time kommune får tilskot på grunn av den økonomiske situasjonen, at dei har høge eigendeler per innbyggjar for ressurskrevjande tenester og fordi dei har fem ekstraklasser som følgje av språkdeling.

Gjesdal kommune har fire ekstraklasser som følgje av språkdeling, og ligg høgt på eigendeler per innbyggjar til ressurskrevjande tenester. Saman med ein heilskapleg vurdering av kommunens økonomiske handlingsrom, og samansette utfordringar, får dei tilskot.

Sola kommune får tilskot på grunn av 10 ekstraklasser som følgje av språkdeling.

Randaberg kommune har høgast eigendel per innbyggjar i fylket knytt til ressurskrevjande brukarar. Dei har òg høgast tal på ressurskrevjande brukarar målt opp mot folketal. Kommunen har mindre økonomisk handlingsrom, og får skjønnstilskot.

Strand kommune har spesielt store utfordringar knytt til rus og psykiatri. I tillegg har dei mange elevar i friskular, noko som gir krevjande konsekvensar av trekk- og kompensasjonsordninga for omfordeling basert på elevar i private skular. Kommunen har 7 ekstraklasser på grunn av språkdeling. Saman med ei heilskapleg vurdering får dei tilskot.



Hjelmeland kommune får tilskot på grunn av kostnader knytt til legevaktsbåten i Ryfylke.

Sauda kommune har ei ekstraklasse som følge av språkdeling, og får også tilskot som følge av utfordringar knytt til rus og psykiatri.

Kvitsøy kommune får tilskot på grunn av legevaktsbåten i Ryfylke, og tilskot som følge av behov for ekstra brannberedskap i Ydstebøhavn.

Bokn kommune opplever særskilt stor innverknad på økonomien som følge av ressurskrevjande brukarar.

Tysvær kommune får tilskot på grunn av 10 ekstra klasser som følge av språkdeling.

Karmøy kommune har fire ekstraklasser som følge av språkdeling. Inntektskriteriet slår skeivt ut for kommunen på grunn av høg del barn i barnehage og lågt utdanningsnivå. Vidare har kommunen høge eigendeler per innbyggjar på grunn av ressurskrevjande tenester, og får ut i frå ein samla vurdering tilskot.

Vindafjord kommune får tilskot som følge av høge eigendeler til ressurskrevjande tenester og andre utfordringar i kommunen.

Med helsing

Bent Høie (e.f.)
statsforvalter

Monica Nessa
avdelingsdirektør

Dokumentet er elektronisk godkjent

Adresseliste:

Suldal kommune	Eidsvegen 7	4230	Sand
Hjelmeland kommune	Vågavegen 116	4130	Hjelmeland
Strand kommune	Postboks 115	4126	Jørpeland
Lund kommune	Moiveien 9	4460	Moi
Eigersund kommune	Postboks 580	4379	Egersund
Tysvær kommune	Postboks 94	5575	Aksdal
Karmøy kommune	Postboks 167	4291	KOPERVIK
Klepp kommune	Postboks 25	4358	Kleppe
Bokn kommune	Boknatun	5561	Bokn
Sauda kommune	Postboks 44	4201	Sauda



Hå kommune	Rådhusgata 8	4360	VARHAUG
Bjerkreim kommune	Postboks 17	4389	Vikeså
Sokndal kommune	Gamleveien 20	4380	Hauge I Dalane
Vindafjord kommune	Rådhusplassen 1	5580	Ølen
Haugesund kommune	Postboks 2160	5504	Haugesund
Stavanger kommune	Postboks 8001	4068	Stavanger
Kvitsøy kommune	Kommunehusveien 6	4180	Kvitsøy
Randaberg kommune	Pb 40	4096	Randaberg
Time kommune	Postboks 38	4349	Bryne
Gjesdal kommune	Rettedalen 1	4330	Ålgård
Sandnes kommune	Postboks 583	4305	Sandnes
Sola kommune	Postboks 99	4097	SOLA
Utsira kommune	Postboks 63	5547	Utsira